



青紅燈

伊無厚話，恬恬仔做，無計較，無怨感。這馬當咧吵甲欲反過的「一例一休」佢伊攏無關係。一年三百六十五工規年週天攏無歇暍，無閩工。一日二四點鐘無暝無日，無閩時。無論是赤焱焱的日頭皎，抑是澹漉漉的落雨天，伊攏竝佇遐。這是伊的工課佢責任，因為伊是——青紅燈，逐工顧佇十字路口，指揮交通。

有智慧、疼惜性命的人，駛車、騎車、行路經過十字路口，隨時注意伊面色的變化，照伊的指揮來行；討厭伊的人，看著伊的面變色，真袂佢意。目睷一瞭，看著伊連鞭欲變色：青的爍過，換爍黃的，隨就欲變紅的，叫伊愛注意矣，毋通閣衝，毋過伊煞毋但無踏擋仔，油門閣催落去，趕緊欲衝過。哎哟喂！這擺好佳哉無代誌，後擺就歹講。伊的衝碰予人看著真驚惶，心臟撲撲惱！按呢青磅白磅，烏白從、烏白搨。有當時無細膩，緊慢嘛會出代誌。

佇青紅燈的面頭前，無分車的好標，毋管是新點點、金爍爍的烏頭仔車抑是老閣舊的發財仔；無論是大頭家抑是手面趁食的艱苦人，嘛無分大細，毋管你是老歲仔抑是囡仔人，逐家攏平重。青燈行，紅燈擋，規則真簡單逐家攏會曉，干焦看你欲遵守抑是毋遵守爾爾。若是愛惜性命，咱就斟酌看。若是毋看，青紅燈嘛無奈何。

危險的十字路口，青紅燈閩頭前，替咱顧路面。雖然無出聲嘛會當共咱指示當時好行、當時愛停。有伊的時陣，咱過車路加真安心。伊親像有智慧有愛心的序大，逐工無暝無日佇十字路口共咱顧、共咱指示。

做工課照起工，袂張、袂厭癢，免領薪水、免排假的青紅燈，感謝你的照顧，予阮佇危險的十字路口會當大伐行，穩心仔騎，安心仔駛。

十字路口的青紅燈，予咱駛車行路加真放心。性命中，真向望嘛有咱的青紅燈，佇人生的每一個坎站共咱指示，當時好衝，當時愛踏擋仔，莫予咱衝過頭毋知擋。若無，等到事業、身體、家庭出問題，才知害，按呢就袂赴矣！

作者：黃惠玉

☆詞彙學習☆

- | | |
|--|-----------------------------|
| 【怨感】uàn-tskeh/uàn-tshueh：怨恨。因為委屈而覺得悲傷、埋怨。 | 【緊慢】kín-bān：遲早、早晚。 |
| 【閩】làng：空、騰出。 | 【新點點】sin-tiám-tiám：嶄新。形容很新。 |
| 【竝】tshāi：豎立。 | 【閩】tsáh：攔阻、擋住。 |
| 【擋仔】tòng-á：剎車。 | 【厭癢】ià-siān：疲勞困乏、厭惡倦怠的感覺。 |
| 【青磅白磅】tshenn-pōng-péh-pōng/ tshinn-pōng-péh-pōng：突如其來。形容出乎意料的突然來到或發生。 | 【大伐行】tuā huáh kiānn：大步走。 |